



Baibuli y'Abaana
yaaza kukworeka

Ruhanga akahanga
byona



Ekahandiikwa: Edward Hughes

Ebishushani bikateerwa: Byron Unger; Lazarus

Ekateekateekwa: Bob Davies; Tammy S.

Ekahindurwa: Z. Kabaza

Ekashohozibwa: Bible for Children
www.M1914.org

©2013 Bible for Children, Inc.

Noobasa kukopoorora nari okuteera omu
kyoma akatabo k'ebigambo ebi, kwonka
torikwikirizibwa kukatunda.



Owaatuhangire n'oha?
Baibuli, Ekigambo kya Ruhanga,
neetugambira oku oruganda
rw'abantu
rwatandikire.



Ira munonga, Ruhanga akahanga
omuntu w'okubanza yaamweta
Adamu.




Ruhanga akahanga Adamu omu
mucuucu gw'ahansi.



Ku Ruhanga yaahuuhire omwitsyo
gw'amagara omuri Adamu, Adamu
yaaba ohuriire, yaashanga ari
omu kibanja kirungi
kirikwetwa
Edeni.



Atakahangire Adamu, Ruhanga
akabanza yaahanga ensi nungi
eijwiremu ebintu birikutangaaza.



Akahanga enshozi n'emigongo,
kandi n'empita zirimu ebirabyo biine
omugaju n'emiti miraingwa, n'enyonyi
z'amapapa gaine amabara



... n'enjoki zirikujuujuuta, n'emigoye
erikugyendera omu Nyanja,
n'ebinyantinda ebirikwekururira
ahansi. Manya Ruhanga niwe

yaahangire buri
kintu-byona.



Omu kubanza,
Ruhanga
atakahangire
kintu kyona,
niwe yaabaire
ariho wenka.
Ensi n'abantu
nari ebintu
bikaba bitariho.



Omushana n'omwirima,
akaabunga n'okuzimu,
nyomwabazyo na
nyencakare
bikaba
bitariho.


Ruhanga wenka
otagira butandikiro
niwe yaabaire ariho.
Reero yaakora.



Omu kutandika
Ruhanga akahanga
eiguru n'ensi.




Ensi ekaba etari
mu buteeka,
kandi erimu
busha.




Omwirima gukaba
gushwekire
amaizi
maingi.




Ruhanga yaagira
ati: "Habeho
omushana".




Omushana gwabaho. Ruhanga
yaayeta omushana Nyomushana,
n'omwirima yaagweta Nyekiro.



Bwaira, bwasheesha, kyaba
ekiro ky'okubanza.



Aha kiro kya kabiri, Ruhanga
akarundaanira amaizi omu mayanja
mahango n'omu Nyanja enkye n'omu
migyera ahansi y'eiguru.




Aha kiro kya kashatu, Ruhanga
akagira ati: "Eitaka rireebekye".
Ryareebeka.





Kandi Ruhanga akaragiira obunyaatsi
n'ebirabyo n'ebishaka
n'emitu
kureebeka.





Bityo byareebeka, Bwaira,
bwasheesha, kyaba
ekiro kya
kashatu.



Bwanyima Ruhanga yaahanga
eizooba, okwezi,
n'enyonyoozi nyingi
munonga omuntu
weena ezi
atarikubaasa
kubara.



Bwaira, bwashesha,
kyaba ekiro kya kana.




Aha kiro kya kataano
Ruhanga akahanga
eby'enyanja, ebikye
n'ebihango; kandi
yaahanga enyonyi
empango nka maaya
eziine amaguru
maraingwa,
n'obunyonyi obukye
oburikutyotyozza.




Ebyenyanja
bikahangwa
kwekururira omu
maize, n'enyonyi
kuguruka omu
kaabunga. Bwaira,
bwasheesha, kyaba
ekiro kya kataano.



Ahanyima y'ebyo, Ruhanga akagaruka yaagamba. Yaagira ati: "Ensi ezaare ebiine amagara..." Haija buri murungo gw'enyamaishwa zoon, n'obukooko n'ebirikwekurura:



enjojo rutaaba, obunyonyi
oburikwombeka ebyashuri,
enkobe ezirikushiisha emisiri,
eminyongororwa erikwehinyahinya,
n'empundu enyarubwa. Buri murungo
gwona ogw'enyamaishwa n'ebukooko
Ruhanga akabihanga eryo izooba.




Bwaira, bwashesha,
kyaba ekiro kya
mukaaga.



Aha kiro ekyo ekya mukaaga,
Ruhanga akakoreraho ekindi kintu-
ekintu eky'omutaano munonga.


Byona ebi omuntu
yaabaire naayetenga
bikaba biriho.
Hakaba hariho
ebyokurya
n'amatungo.



Ruhanga yaagira ati:
"Ka tuhanye omuntu
omu muringo gwaitu
ategyekye byona
ebiri omu nsi."



ATYO RUHANGA YAAHANGA
OMUNTU ORIKUMUSHSHA; ...



... OMU KUSHUSHANA KWA
RUHANGA YAABA NIMWO
YAAMUHANGIRE ...



Ruhanga
yaagira
Adamu
ati:



“Rya eki orikwenda
kyona ekiri omu
musiri. Kwonka
otarya aha muti
gw'okumanya
oburungi n'obubi.
Ku orirya aha
muti ogwo oryafa”.



Bwanyima MUKAMA
Ruhanga yaagira ati:
"Ti kirungi omuntu
kuguma wenka. Ka
mukorere omuhwezi
omushemereire."



Ruhanga yaareeta enyonyi
n'enyamaishwa ahari Adamu.
Adamu yaazeeta amaziina
zoonna. Okukora eki
nikyoreka ku yaabaire
aine obwengye bwingi.



Kwonka omuri zo
hakaba hatarimu
omuhwezi
omushemereire.



Ruhanga yaagwejegyeza
Adamu oturo twinge
munonga, munonga,
yaamwihamu
orubaju rumwe
akigwejegyeire,
yaaruhangamu
omukazi.



Ogu mukazi akaba
ari omuhwezi
oshemereire
Adamu.




Ruhanga akahanga ebintu byona
omu biro mukaaga. Bwanyima
Ruhanga yaayeza, ekiro kya
mushanju yaakihindura
ekiro ky'okuhumura.



Adamu na Haawa omukazi
we bakaba bari gye
nibakwatanisa
na Ruhanga kandi
nibamworobera.



Ruhanga akaba ari MUKAMA
waabo, orikubaha byona,
kandi Munywani waabo.



Ruhanga akahanga byona

Ebi bihirwe omu Kigambo kya
Ruhanga, Baibuli

bishange omu

Okutandika 1-2

"Ebigambo byawe ku bishuuruurwa bireeta
omushana." Zaaburi 119:130



Omuheru



Ebigambo by'omu Baibuli ebi nibitumanyisa
Ruhanga waitu owaatuhangire, kandi
naayenda tumumanye.

Ruhanga naamanya ku turi abasiisi, nitukora
ebibi. Ebihembo by'ekibi n'okufa, kwonka
Ruhanga naatukunda munonga, nikyo
yaayohereze Omwana we, Yesu,
kukufeera aha musharaba akafubirwa
ahabwa ebibi byawe. Kwonka Yesu akazooka
yaagaruka omu Iguru. Ku orikumwikiriza,
waamushaba akusaasire, naija kukusaasira
ebibi byawe. Naija omuriwe hati, naiwe
nooba omuriwe.



Ku oraabe noikiriza
eki, gambira Ruhanga oti:
Ai Yesu, niinyikiriza ku ori Ruhanga, kandi
ku waahindukire omuntu okafa ahabw'ebibi
byangye, okazooka; hati ori ohuriire.
Ninkushaba otaahe omu magara gangye
onsaasire ebibi byangye ntungye amagara
masya hati, bwanyima nyije ntuure naiwe
ebiro byona. Nkwatsa ngume nkworobere
kandi ntwaze gye nk'omwana
waawe. Amiina.

Shoma Baibuli ogambe na Ruhanga buri
izooba. Yohaana 3:16

